

人天中法王	為大說法師	隨順衆生性
常於日夜中	與諸佛共會	能生甚深妙
寂滅智解脫	供養無量佛	善根轉明淨
猶如轉輪王	真金莊嚴冠	光明照衆生
諸煩惱難處	如梵王光明	照於大千界
菩薩住是地	於三千世界	作大梵天王
諸根悉猛利	善以三乘法	示悟諸衆生
所作諸善業	皆順於正念	能於一念中
而得無有量	世界微塵數	諸深妙三昧
得見十方佛	微妙音說法	見佛大神力
更發無量願	如是第九地	大智所行處
深妙難知見	今已略說竟	

大方廣佛華嚴經卷第二十七

問三

大方廣佛華嚴經卷第二十八	問四
十地品第二十二之六	第十法雲地
說諸大菩薩	所行無上事
首陀會諸天	於上虛空中
咸以恭敬心	衆妙供養佛
歡悅無有量	燒諸奇妙香
他化自在王	與諸天大衆
心皆大歡喜	咸以恭敬心
各散衆寶衣	空中旋轉下
諸根欣悅豫	於上虛空中
同作無量億	那由他妓樂
皆出如是音	佛坐於此處
十方國土中	皆亦有佛現
相好莊嚴身	殊妙無有比
於一毛孔中	出無量光明
世間煩惱火	十方微塵數
一毛孔光明	不可得窮盡
	悉遍於一切
	無量億種種
	充滿於世界
	滅除於一切
	尚可得計量
	各見有佛身

東晉天竺三藏佛陀跋陀羅等譯

陳東

以三十二相	八十好莊嚴	轉無上法輪
或見佛種種	為衆而說法	或見在兜率
教化於諸天	或見從兜率	來下處胞胎
或見初生時	或見夜出家	或見坐道場
而成無上道	或見轉法輪	或見入涅槃
於無量國土	種種而示現	欲度衆生故
有如是等事	譬如巧幻師	善知於幻術
多示諸衆生	種種異身相	如是佛慧中
善巧於示現	變化一切身	周遍諸世界
一切法空寂	先來無性相	同若如虛空
大師亦如是	得入第一義	微妙之性相
隨諸法性相	示佛大神力	一切佛行性
法及諸衆生	皆悉同無相	一切法空故
一切佛法等	入在於第一	寂滅義趣中
悉皆無有相	若欲得佛智	應離諸想念
有無俱通達	疾作天人師	諸天姝女衆
皆出如是等	千萬種妙音	寂然而觀佛
解脫月菩薩	見衆皆寂然	請金剛藏言

大名稱佛子 菩薩從第九 至於第十地 諸大神通力 願今為略說

金剛藏菩薩言佛子菩薩摩訶薩如是無量 智慧善修行佛道乃至九地善集清白法集 無量助道法大功德智慧所護廣行大悲深 知分別世界差別深入衆生難處入諸如來

問四

行處念隨順如來寂滅行處趣向諸佛力無 畏不共法堅持不捨得至一切智位菩薩摩 訶薩行如是智近佛位地則得菩薩離垢三 昧而現在前又入法界差別三昧莊嚴道場 三昧雨一切世間華光三昧海藏三昧海印 三昧虛空廣三昧觀察一切法性三昧隨一

切衆生心行三昧如實知一切法三昧得如 來智信三昧如是等百萬阿僧祇三昧皆現 在前是菩薩悉入此三昧善知其中功用差 別最後三昧名益一切智位是三昧現在前 即時大寶蓮華王出周圍如百萬三千大千 世界一切衆寶間錯莊嚴過於一切人天所

有出世間善根所生知一切法如幻如化空慧所成光明能照一切世界琉璃為莖栴檀王為臺瑪瑙為鬚閻浮檀金為葉無量光明一切妙寶皆在其內寶網覆上十三千大千世界微塵數蓮華以為眷屬余時菩薩其身殊妙稱可華座菩薩得益一切智位三昧力

故身在大蓮華座即時眷屬蓮華上已有菩薩一一菩薩坐蓮華上即得百萬三昧皆一心恭敬瞻仰大菩薩是菩薩昇蓮華座時十方現在一切世界皆大震動一切惡道皆悉休息光明普照十方世界一切世界皆悉嚴淨皆得見聞諸佛大會何以故是菩薩坐大

問四

三

蓮華上即時足下出百萬阿僧祇光明照十方阿鼻地獄等滅衆生苦惱兩膝上放若干光明照十方一切畜生滅除苦惱齋放若干光明照十方一切餓鬼滅除苦惱左右脅放若干光明照十方人安隱快樂兩手放若干光明照十方諸天阿脩羅宮兩肩放若干光

明照十方聲聞衆項放若干光明照十方辟支佛口放若干光明照十方菩薩乃至住九地者白毫放若干光明照十方得位菩薩一切魔宮隱蔽不現頂上放百萬阿僧祇三千大千世界微塵數光明照於十方諸佛大會遶十匝已住於虛空成光明網高大明淨供

養諸佛如是供養從初發心乃至九地所作供養百分不及一乃至算數譬喻所不能及是大光明網勝於十方世界所有華香末香塗香衣服幡蓋衆寶瓔珞摩尼寶珠供養之具從出世間善根生故一一諸佛大法會上皆兩衆寶猶如大雲若有衆生覺是供養者皆

是必定無上大道如是諸光兩大供養已遶大會十匝入諸佛足下介時諸佛及大菩薩知某世界某甲菩薩摩訶薩行如是道成就受職即時十方無邊菩薩乃至住九地者皆來圍遶設大供養一心恭敬各得萬三昧一切得職菩薩摩訶薩於金剛莊嚴曾出一大光

明名破魔賊無量百千萬光以為眷屬照十方世界示無量神力亦來入是大菩薩智此光明滅已是大菩薩即得百千萬億大勢力神通智慧亦時諸佛出眉間白毫相光名益一切智有無量無邊光明眷屬悉照一切十方世界圍遶十示現諸佛大神通力勸進無

量百千萬億諸菩薩十方世界六種震動滅除一切惡道苦惱一切魔宮皆蔽不現示一切諸佛得道之處示一切諸佛大會莊嚴事廣大如法界究竟如虛空照一切世界已集在虛空示大神通莊嚴之事入是菩薩頂眷屬光明入眷屬蓮華上諸菩薩頂即時各得先

問四

四

所未得十千三昧是光明入此菩薩頂如一切佛光皆亦如是一切十方諸佛光明入是菩薩頂時名為得職名為入諸佛界具佛十力墮在佛數佛子譬如轉輪聖王太子成就王相轉輪聖王今子在白象寶閣浮檀金座取四大海水上張羅慢種種莊嚴幢

幡妓樂執金鍾香水灌子頂上即名為灌頂大王具足轉十善道故名轉輪聖王菩薩摩訶薩亦如是受職時諸佛以智水灌是菩薩頂名灌頂法王具足佛十力故墮在佛數是名諸菩薩摩訶薩大智慧職地以是職故菩薩摩訶薩受無量百千億萬苦行難事是菩薩

得是職已住法雲地無量功德智慧轉增佛子菩薩住法雲地如實知欲界集色界集無色界集如實知世間性集眾生性集識性集有為性集無為性集虛空性集法性集涅槃性集邪見諸煩惱性集如實知諸世間法成壞集聲聞道集辟支佛道集菩薩道集諸

佛力無畏不共法色身法身集一切智集得佛道轉法輪示滅度集舉要言之如實知一切法差別集是菩薩以如是智慧隨順菩提行如實知衆生化業化煩惱化諸見化世界化法界化聲聞化辟支佛化菩薩化如來化一切化分別無分別化是菩薩如實知佛力

問四

五

持法持業持煩惱持時持願持先世持行持劫壽持智持是菩薩住十地諸佛所有微細智所謂行微細智命終微細智受胎微細智出生微細智出家微細智得道微細智神力自在微細智轉法輪微細智持壽命微細智示涅槃微細智法久住微細智如是等微細智皆如實知又諸佛密處所謂身密口密意密知時非時密與菩薩受記密攝伏衆生密諸乘差別密八萬四千諸根差別密業如實所作密行得菩提密如是等密皆如實知是菩薩諸佛所有入劫智所謂一劫攝阿僧祇劫阿僧祇劫攝一劫有數劫攝無數劫無數劫攝有數劫一念攝劫劫攝一念劫攝非劫非劫攝劫有佛劫攝無佛劫無佛劫攝有佛劫過去未來劫攝現在劫現在劫攝過去未來劫未來過去劫攝現在劫現在劫攝未來過去劫長劫攝短劫短劫攝長劫諸劫攝相皆如實知是菩薩諸佛所入微塵智國土智

衆生身心智衆生身心得道智衆生行智至一切處智遍行佛道智順行智逆行智不可思議智一切世間聲聞辟支佛菩薩所不能知皆如實知佛子諸佛智慧廣大無量菩薩住是地則能得入如是智慧菩薩摩訶薩隨是地行得菩薩不可思議解脫無礙解脫淨行解脫普門明解脫如來藏解脫隨無礙論解脫入三世解脫法性藏解脫明解脫勝進解脫是菩薩十解脫爲首得如是等無量無邊百千萬億阿僧祇解脫百千萬無量阿僧祇三昧百千萬無量阿僧祇陀羅尼百千萬無量阿僧祇神通亦復如是是菩薩成就如是智慧隨順菩提成就無量念力能於一念頃至十方無量佛所無量法明無量法兩皆能受持譬如娑伽羅龍王所澍大雨唯除大海餘不能受菩薩摩訶薩亦如是如來微密兩大法兩一切衆生聲聞辟支佛乃至九地菩薩所不能受唯此菩薩住法雲地悉能受

問四

六

持譬如大海一龍王起大雲雨皆能堪受若  
二若三乃至無量無邊諸大龍王所起雲雨  
一時澍下皆能受持菩薩摩訶薩亦如是住  
法雲地於一佛所能受大法明雨二佛三佛  
乃至不可說不可說佛於一念中皆能堪受  
如是諸佛大法雲雨是故此地名法雲地解  
脫月言佛子是菩薩於一念中能堪受幾所  
大法明雨答言佛子譬如十方所有不可說  
百千萬億那由他世界微塵亦所微塵世界  
衆生假使皆得聞持陀羅尼爲佛侍者爲大  
聲聞多聞第一如金剛蓮華上佛善伏比丘  
其一衆生成就如是多聞之力餘亦如是一  
人所受餘不重問如是一切各各不同於意  
云何是一切衆生受持多聞力爲多不答言  
甚多不可稱計佛子我今爲汝說是菩薩住  
法雲地於一念頃於一佛所受三世法藏大  
法明雨上一切衆生多聞之力百分不及一  
乃至算數譬喻所不能及如一佛所聞十方

世界微塵諸佛皆能受持大法明雨復能過  
此無量無邊於一念頃亦能受持是故名爲  
法雲地佛子菩薩摩訶薩住法雲地自從願  
力生大慈悲福德智慧以爲密雲現種種身  
爲雜色雲通明無畏以爲電光震大雷音說  
法降魔一念一時能於上所說微塵世界皆

問四

七

悉周普以雨善法甘露法雨滅諸衆生隨心  
所樂無明所起煩惱炎故是故名爲法雲地  
復次佛子菩薩摩訶薩住法雲地於一世界  
從兜率天來下乃至示大涅槃一切佛事隨  
所度衆生皆現神力若二若三乃至如上微  
塵數世界又復過是百千萬億阿僧祇世界  
從兜率天來下乃至示大涅槃一切佛事隨  
所度衆生皆現神力是菩薩住此地於智慧  
中得上自在力或以狹國爲廣廣國爲狹或  
以垢國爲淨淨國爲垢如是一切世界皆有  
神力是菩薩或於一微塵中置三千大千世界  
鐵圍山川而不迫迫或二或三乃至不可說

不可說世界諸莊嚴事示入一塵或以一世界莊嚴事示不可說不可說世界或以不可說不可說世界衆生置一世界中而不迫在或以一世界衆生置不可說不可說世界中或以不可說不可說世界入一塵中而不惱衆生或於一塵中示一切佛神通力莊嚴之事或於一念中現不可說不可說世界微塵數身於一身中示無量手以一手執恒沙蓮華以散諸佛雜香末香旛蓋寶物如是一切莊嚴之具皆以手執供養諸佛於一身亦復如是又一身化微塵數頭於一一頭有塵數舌以是神力讚歎諸佛如是等事於念念中遍滿十方於念念中以神通力無量世界示得佛道轉法輪乃至大般涅槃於三世中以神通力示現無量身於自身中現無量佛無量佛土莊嚴事於自身中示一切世界成壞事或於一毛孔出一切風而不惱衆生或以無量無邊世界爲一海水此海水中作

大蓮華形色光明遍無量無邊世界於中示菩提樹莊嚴妙事乃至示得一切種智或自身中現一方世界摩尼寶珠日月星宿一切光明乃至十方所有光明亦復如是或口嚔氣能令十方無量世界悉大震動不令衆生有恐畏想或示十方世界水劫盡風劫火劫

問四

盡而衆生身隨意莊嚴或於自身示作如來身或於如來身示作自身如來身作已佛國已佛國作如來身佛子菩薩摩訶薩在法雲地神變如是又餘無量神力自在亦時會中諸菩薩天龍夜叉乾闥婆阿脩羅迦樓羅緊那羅摩睺羅伽四天王釋提桓因梵天王自在天子淨居天等各作是念若菩薩神通力智慧力如是無量無邊佛復云何時解脫月菩薩知大衆心所念問金剛藏菩薩言佛子今諸大衆聞是菩薩神通智慧力隨在疑網汝今當斷一切疑惑示菩薩神通莊嚴妙事時金剛藏菩薩即入一切佛國體性三昧時

諸大衆天龍夜叉乾闥婆阿脩羅迦樓羅緊那羅摩睺羅伽四天王釋提桓因梵天王自在天子淨居天等皆自見知入金剛藏菩薩身中於其身內見三千大千世界莊嚴衆事若滿一劫說不可盡於中見佛道場樹其莖周圍十萬三千大千世界高百萬三千大千

世界覆三千億三千大千世界稱樹高廣有師子座其座上有佛号一切智王如來一切大衆咸皆見佛坐在座上其中所有莊嚴上妙供養之具滿一劫說亦不可盡金剛藏菩薩示現如是大神力已還令大衆各在本處一切衆會生希有想默然一心觀金剛藏時

問四

九

解脫月菩薩問金剛藏菩薩言佛子是三昧有大勢力甚為希有是三昧者所号云何答言是三昧名一切佛國體性問言是三昧所有勢力境界云何答言佛子若菩薩摩訶薩善修成就是三昧力者住以如是無量恒沙世界微塵數三千大千世界於身中現復過

是數菩薩在法雲地得如是無量無邊百千萬億諸大三昧是故菩薩住此地中身身業難可測知口口業難可測知意業難可測知神力自在難可測知觀三世法難可測知諸三昧行入難可測知智力難可測知遊戲諸解脫難可測知變化所作神力所作如意

所作難可測知乃至舉足下足菩薩住善慧地者不能測知佛子菩薩法雲地如是無量若廣說者無量無邊阿僧祇劫不能得盡解脫月言佛子若菩薩行處力神通力如是者佛行處力神通力復云何答言佛子譬如有人見一塊土而作是言無量無邊世界地性

為多此耶汝所問者我謂如是如來無量智慧云何以菩薩智慧而欲測量佛子如人取四天下地性少分餘者極多菩薩法雲地於無量劫但可說聞何況如來地我今當說令汝知之佛現為證如十方無量無邊世界微塵等諸佛世界十地菩薩皆滿其中是諸菩



薩有無量無邊業修習菩薩功德智慧禪定於如來功德智慧力百分不及一百千萬億分不及一乃至算數譬喻所不能及佛子是菩薩隨順如是智慧順如來身口意不捨諸菩薩三昧勤心供養一切諸佛於一一劫以一切供具供養無量無邊諸佛能悉具受諸

佛神力轉復明勝是菩薩於法性問難無能勝者乃至無量無邊百千萬億劫不可窮盡佛子譬如天金以摩尼珠衆寶間錯為自在天王嚴身之具其餘諸天所不能及亦無奪者菩薩住十地智慧善根從初地乃至九地所不能及菩薩住是地得大智照明隨順一

問四

切智故其餘智慧所不能壞譬如大自在天王光明能令衆生身心清淨一切生處衆生光明所不能及菩薩摩訶薩亦如是住法雲地智慧光明一切聲聞辟支佛所不能及乃至九地菩薩亦不能及是菩薩住是地中能令無量衆生住一切智道佛子菩薩住是地

十方諸佛為說三世智慧法界智慧一切世界智慧普照住持一切世界智慧大慈大悲普覆一切衆生智慧舉要言之具足為說至一切智道佛子是名菩薩摩訶薩第十法雲地菩薩住是地多作摩醯首羅天王智慧明達善說聲聞辟支佛菩薩波羅蜜於法性中

有問難者無能令盡所作善業布施受語利益同事皆不離念佛不離念法乃至不離念具足一切種智常作是念我當於一切衆生為首為勝乃至於一切衆生為依止者若欲如是勤行精進於一念中得無量百千萬億那由他不可說不可說世界微塵數三昧乃

至示尔所微塵數菩薩以為眷屬若以願力神通自在復過是數所謂諸行上妙供具信解起業若身若口若光明若諸根若如意足若音聲若行處乃至若干百千萬億劫不可稱數佛子是菩薩十地次第順行趣向一切種智如從阿耨達池四河流出滿足四天下

問四

十一

無有窮盡乃入大海菩薩亦如是從菩薩出於善根大願之水以四攝法滿足衆生而不窮盡乃至一切種智佛子是菩薩十地因佛智故而有差別如因大地有十大山王何等爲十所謂雪山王香山王剎梨羅山王仙聖山王由乾陀山王馬耳山王尼民陀羅山王斫迦羅山王宿慧山王須彌山王如雪山王一切藥草集在其中而不可盡菩薩亦如是住歡喜地一切世間經書技藝文頌呪術集在其中無有窮盡如香山王一切諸香集在其中而不可窮盡菩薩亦如是住離垢地持戒頭陀威儀助法集在其中無有窮盡如剎梨羅山王但以寶成集諸妙華取不可盡菩薩亦如是住於明地集一切世間禪定神通解脫三昧問不可盡如仙聖山王但以寶成多有五通仙人不可窮盡菩薩亦如是住於炎地集令衆生入道因緣種種問難不可窮盡如由乾陀山王但以寶成集夜叉大神不可

窮盡菩薩亦如是住難勝地集一切自在如意神通說不可盡如馬耳山王但以寶成集衆妙果取不可盡菩薩亦如是住現前地集深因緣法說聲聞果不可窮盡如尼民陀羅山王但以寶成集一切大力能神不可窮盡菩薩亦如是住遠行地集種種方便智慧說辟支佛道不可窮盡如斫迦羅山王但以寶成集心自在者不可窮盡菩薩亦如是住不動地集一切菩薩自在道說世間性不可窮盡如宿慧山王但以寶成集大神通諸阿脩羅無有窮盡菩薩亦如是住善慧地集轉衆生行智說世間相不可窮盡如須彌山王但以寶成集諸天神無有窮盡菩薩亦如是住法雲地集如來十力四無所畏說諸佛法不可窮盡是十寶山同在大海因大海水有差別相菩薩十地亦如是同在佛智因一切智故有差別相佛子譬如大海以十相故名爲大海無有能壞何等爲十一漸次深二不受

問四

十二

死屍三餘水失本名四一味五多寶六極深  
難入七廣大無量八多大身衆生九潮不失  
時十能受一切大雨無有盈溢菩薩地亦如  
是以十因緣故無有能壞何等爲十歡喜地  
中漸生堅固願離垢地中不與破戒共宿明  
地中捨諸假名炎地中於佛得一心不壞淨

信難勝地中生世間無量方便神通起世間  
事現前地中觀甚深因緣法遠行地中以廣  
大心善觀諸法不動地中能起大莊嚴示現  
善慧地中能得深解脫通達世間行如實不  
失法雲地中能受一切諸佛大法明兩佛子  
譬如大摩尼寶珠有十事能與衆生一切寶  
物何等爲十一出大海二巧匠加治三轉精  
妙四除垢穢五以火練治六衆寶莊嚴七貫  
以寶纒八置琉璃高柱九光明四照十隨王  
意兩衆寶物菩薩發善提心寶亦有十事何  
等爲十一初發心布施離慳二修持戒頭陀  
苦行三以諸禪定解脫三昧令轉精妙四以

道行清淨五練以方便神通六以深因緣法  
莊嚴七以種種深方便智慧貫穿八置神通  
自在幢上九觀衆生行施多聞智慧光明十  
諸佛授智職於一切衆生能爲佛事隨在佛  
數佛子是菩薩所行集一切智慧功德法門  
品若不深種善根不能得聞問言佛子若得

問

十三

聞者是人爲得幾所福答言隨佛所有智慧  
勢力如是發薩婆若心所緣攝福德是人得  
聞此法門所得福德亦復如是何以故若無  
菩薩心聞是法門不能信解受持何況以身  
修習能成其事是故當知是人隨順一切種  
智得聞信解受持修行說是品時十方世界  
十億佛國微塵數世界六種十八相動以佛  
神力法如是故諸天兩華末香瓔珞寶衣幡  
蓋莊嚴身具兩天妓樂歌頌而下復有大音  
讚歎十地殊勝之事如此世界四天下他化  
自在天王宮說十地十方一切世界皆亦如  
是以佛神力故十方過十億佛國微塵數刹

有十億佛國微塵數菩薩詣此世界遍滿虛空皆作是言善哉善哉金剛藏善說菩薩十地之法佛子我等皆名金剛藏發金剛德世界金剛幢佛所來所經歷處皆說是經眾會如是言辭義趣亦如是我等以佛神力故來證是事如我至此十方一切世界他化自在

天王宮摩尼寶殿皆有十億佛國微塵數菩薩往為作證亦復如是時金剛藏菩薩觀察十方觀察一切大眾觀察法界讚歎初發薩婆若心示菩薩境界淨菩薩行力攝一切種智隨眾生說除一切世間垢穢與眾生一切種智因緣示不可思議智慧莊嚴事讚歎一

切菩薩功德差別相欲令諸地轉勝明顯示眾生成承佛神力以偈頌曰  
諸菩薩所行 樂於善寂滅 其心無所著 猶若如虛空 除貪恚癡垢 安住於道智 如是無上行 願樂欲聽聞 如是諸菩薩 在於無量劫 勤心常修習 一切諸善根

供養無量佛 辟支阿羅漢 為利眾生成  
乃生菩提心 精勤持戒行 頭陀除離垢  
修善及轉妙 慙愧威德滿 福慧因緣故  
勝遠心明淨 深樂於佛智 同佛生菩提  
供養於一切 十方三世佛 如虛空等國  
悉皆今清淨 一切法平等 善悉通達故

問四

十四

為度諸眾生 發於菩提心 諸菩薩如是  
生是無量心 至於歡喜地 息惡樂布施  
得諸本願力 增廣慈悲心 深行十善道  
能到離垢地 戒聞功德備 慈心愍世間  
永離諸垢穢 深心常清淨 普觀諸世間  
三毒火熾然 如是之大士 入第三明地

觀三界皆空 無常亦如病 如癰如瘡箭  
無量苦常然 見諸有為過 貪樂佛功德  
得佛智明炎 入於第四地 成就於念慧  
得至於道智 在此地供養 百千諸如來  
常能思惟念 諸佛無量德 得入於一切  
世間難勝地 能以慧方便 種種而示現

諸有所為作	以利於世間	供養於諸佛
行益眾生事	無生法在前	得入現前地
菩薩諸所行	一切世難知	常無有我心
有無皆悉離	諸法先空寂	十二緣故行
善了此微妙	入於遠行地	行慧方便等
得法寂滅相	如是之六士	難知難可及
為欲令世間	得善寂滅故	還起修諸行
種種福德事	普入於眾生	種種心行處
如是能得入	如空不動地	大智諸菩薩
善能悉具行	種種諸智業	得十自在力
能以無有量	無邊限諸身	普現十方界
而為說妙法	善達於世界	及諸眾生性
如是大慈悲	能入善慧地	第一妙淨智
善觀諸世間	纒線煩惱業	甚深諸難處
為度是等故	得諸佛法藏	善說第一義
悉無所違錯	如是次第行	具足諸善法
乃至於九地	所修習福慧	欲得諸佛力
第一深妙利	乃於一切佛	得受智職位

先得無數定	智行極廣大	最後得難壞
諸智位三昧	若能得如是	益智位三昧
一切寶莊嚴	蓮華王即出	菩薩稱蓮華
現身坐其上	餘華諸菩薩	咸共一心視
亦時大菩薩	從身故無量	百千億光明
滅諸世間苦	然後頂上出	百千億光明
普照十方界	諸佛大眾會	於上虛空中
化成光明網	供養諸佛已	入諸佛足下
時一切如來	及諸大士等	各知某菩薩
得受於智職	如是一切佛	放眉間光明
名益一切智	入此菩薩頂	一切無量佛
與此菩薩職	猶如轉輪王	授於太子位
時十方世界	普皆大震動	乃至阿鼻等
諸苦皆除滅	菩薩具一切	智慧得是職
如是名為到	無上法雲地	住於是地中
智慧無邊限	善知度一切	世間諸因緣
入色無色法	欲色無色界	能知於眾生
國土及法性	又能入可數	不可數法中

乃至能觀察

虛空無量性

又此地悉知

皆悉不能知

何況餘衆生

三世諸聲聞

菩薩變化事

諸佛威神力

微細智密事

及與辟支佛

住此諸佛示

一切智慧事

又能悉通達

一切諸劫數

於一微塵中

亦與令通達

三世無礙智

示法性寂滅

觀見諸世界

一切諸如來

於此無上地

亦示種種變

一切諸世界

所有衆生類

初生及出家

得道轉法輪

示入於涅槃

所行一切法

深微隱遠事

一切佛功德

皆隨順於智

寂滅妙解脫

悉得於此地

次第示令知

菩薩住此地

能以大供具

此地諸大士

憶念力大故

諸佛大法兩

供養十方佛

遍一切世界

一切諸世間

皆悉能受持

譬如大海水

能持龍王兩

所有衆生類

其餘諸供具

皆所不能及

諸佛廣大法

菩薩受亦亦

若於一佛所

智者住此地

皆能破一切

無明諸開冥

一時聽受法

十方無量土

微塵數衆生

開示以佛道

如自在天王

光滅衆熱惱

皆多聞摠持

成於聲聞乘

不如是菩薩

佛子智光明

滅惡亦如是

住是地多作

算數所不及

以無量智慧

及先大願力

三界自在王

通達諸智慧

善以三乘位

能於一念中

遍滿無量國

兩甘露法雨

能於一念中

得無量三昧

能見十方佛

滅諸煩惱火

是故諸如來

名為法雲地

其數亦如是

金剛藏菩薩

告諸大士言

大士住此地

供養諸佛具

過諸天所有

我今略解說

十地之妙行

若廣演說者

普示大神力

示衆轉勝力

過是數無量

千億劫不盡

是則名清淨

諸大菩薩地

若人欲思量

迷悶不能解

大智住此地

為得佛智故

住於十地中

安住不移動

墮定下足事

一切諸菩薩

乃至於九地

猶如大山王

初地具一切

經書諸技術

問四

十六

問四

十七

猶如雪山中	積聚眾藥草	持戒及多聞
在於二地中	猶如香山王	集一切香物
如軻梨羅山	多積諸寶華	明地集聞智
禪定亦如是	炎地多積集	入道法不壞
如仙聖山中	善寂所遊止	五地諸神通
無能得及者	如由軻陀山	多集夜叉眾
六地善分別	諸果無窮盡	猶如馬耳山
妙果無有量	七地方便慧	無有能及者
如尼民陀山	諸龍王盈滿	住於八地中
自在智無量	如斫迦羅山	多心自在者
九地心清淨	說法無障礙	猶如宿慧山
阿脩羅所止	十地諸佛力	功德無窮盡
如須弥山王	集一切天眾	又復初地中
發於廣大願	二地持戒品	三地假名壞
第四地專一	五地眾妙事	六地甚深相
七地廣大心	八地中種種	莊嚴諸神通
九地思妙智	能過一切世	十地能受持
諸佛大法雨	菩薩行大海	難動不可盡

發心出世間	得入於初地	二地淨持戒
三地修諸禪	四地道行淨	五練方便慧
六因緣莊嚴	七深方便慧	八到琉璃幢
九地觀眾生	一切險難處	智慧光普照
十地受智職	如珠隨王意	如是次第淨
菩提心妙寶	十方諸世界	所有微塵數
可於一念中	計知其多少	可以一毫末
數知於虛空	諸佛大功德	無量不可盡

大方廣佛華嚴經卷第二十八 問四 十八

大方廣佛華嚴經卷第二十九 問五

東晉天竺三藏佛陀跋陀羅譯

十明品第二十三

余時普賢菩薩摩訶薩告諸菩薩言佛一菩薩摩訶薩有十種明何等為十此菩薩摩訶薩悉知三千大千世界眾生心念所謂善心